

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Allaffeqarfimmiit paasissutissiineq
- Imm. 03** Sanaartornermut aningaasaliissutit pillugit erseqqissaaneq
- Imm. 04** 2017-mi illulianut katitigassanut agguaaneq
- Imm. 05** Tamalaat

Ataatsimiinneq videokonferenci atorlugu ingerlanneqarpoq aallartillunilu nal. 08.34

Peqataasut:

Siumut

Gidion Lyberth - Maniitsoq
Karl Lyberth - Maniitsoq
Frederik Olsen - Sisimiut

Atassut

Emilie Olsen - Sisimiut

Inuit Ataqatigiit

Sofie Dorthe R. Olsen - Maniitsoq

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Akuersissutineqarpoq.

Imm. 02 Allaffeqarfimmiit paasissutissiineq

Ole Thor – Maniitsoq

Maniitsumi apinerujussuanik aputaajaasarnermi missingersuutunik atuinerunermik kinguneqarnikuuvoq. Eqqagassanik assartuineramik aamma torersaasssineramik/saligaatsuutitsineramik suliaqartussamik, avatangiisit pillugit kommuninut tamanut sulisussamik ukiuni marlunni atorfinitsitsinissamut Namminersorlutik Oqartussat 1 mio. koruuninik tunniussaqaarnissamut akuersissuteqarnikuupput. Akuersissut aggustip aallaqqaataaniit atuutilissaaq, sulisussarsiornermik allagarsiisoqassalluni.

Niels Mønsted - Sisimiut

Sisimiuni aamma apinikorujuussuuvoq.

TAI-mi sulisut marluk aasaanerani meerartaarnermut atatillugu sulinngiffeqarput.

Umiarsualivimmi kommunip kraniata eqqaani angallat kivinikoq pillugu TAI Namminersorlutik Oqartussanik attaveqarpoq.

Imm 03 Sanaartornermut aningaasaliissutit pillugit erseqqissaaneq

Journalnr. 06.01.03

Tunuliaqutaq

2017-imut missingersuutinik kiisalu 2018-imit 2020 tikillugu missiliutaasunik akuersinermut atatillugu, sanaartugassatut suliniutit arlaqartut aallartinneqarnissaat kommunalbestyrelsimit pingaartinneqarpoq. Suliniutinut taakkununga ataasiakkaanut kommuni pilersarusiortuinnaassasoq erseqqissarneqarnissaa pisariaqarpoq, taamatullu aningaasaliiffigineqarnissamut Namminersorlutik Oqartussanit akuersissut utaqqineqassasoq, imaluunniit pisariaqartinneqartunik aningaasaliinerit tunngavigalugit pilersarusiornerit aallartisarneqassasut. Missingersuutip ikkussorneqarnerani ajoraluartumik kukkusoqarsimavoq, tamannalu aaqinneqartariaqaraluarluni.

Maleruagassatigut tunngavissat

Qeqqata Kommuniaut karseqarnermut naatsorsuuserinermullu malittarisassat Immikkut aningaasaliissutit kommunalbestyrelsimit akuersissutigineqartassapput, nussuinerilli Aningaasaqarnermut ataatsimiititaliamit akuersissutigineqartassallutik.

Pissutsit atuuttut

Ukiut tamaasa Qeqqata Kommunia Namminersorlutik Oqartussanut sanaartugassanut arlalinnut aningaasaleeqataaffigisassaanut qinnuteqartarpoq, tassa Namminersorlutik Oqartussat kommunillu akornanni suliassat nammatassanullu agguaqatigiisitsineq naapertorlugu Namminersorlutik Oqartussat akisussaaffigippagu imaluunniit Namminersorlutik Oqartussat kommunillu akisussaaffik agguataagarippassuk.

Ajoraluartumilli Namminersorlutik Oqartussat suliniutinut tamakkununga qaqutigut aningaasaliisarpoq, taamaalillunilu Qeqqata Kommunia ukiuni arlaqartuni illoqarfinni meeqqeriviliornernut kiisalu meeqqanut inuusuttunullu arlalitsigut atortorissaarutinut tamakkiisumik aningaasaliisariaqartarsimalluni.

2017-imut missingersuutitigut kommunabestyrelsi Taseralik etape 2-mut, nipilersornermik ilinniarfittalerlugu kiisalu atuakkanik atorniarfittalerlugu suliarineqarnissaanut, Maniitsumi Innuttaasunut sullissivik/meeqqat illuannut aammalu Sarfanguani illu sunulluunniit atorineqarsinnaasumut, 2018-2019-imi sanaartugassatut, pilersarusiornissamut aningaasaliissuteqarpoq. Akit suut naapertorlugit pilersarusiortoqassanersoq erseqqissaassutigineqassaaq.

Missingersuutit ikkussorneqarnerani kukkusoqarportaaq, atuakkanik atorniarfarfimmut nutaamut 2018-imut aningaasaliissutigisat, 2017-imut nuunneqarsimmamata, taamatullu Taseralik etape 2-mut immikkoortinneqarsimallutik.

Atuilluartuunissakkut kingunerisinnaasai

Atuilluartuuneruvoq,

- Sisimiuni nipilersornermut ilinniarfiup arlaleriarluni imermik ajoquserernerata kinguneranik atorsinnaajunnaartumut taarsiullugu nipilersornermik ilinniarfimmik sanaartornissaq
- Sisimiuni atuakkanik atorniarfarfiup nutaanngitsup atorunnaarsikkiartornissaa nutaamillu sanaartornissaq
- Maniitsumi ilaqutariinnut sullissiviup nutaanngitsup atorunnaarsikkiartornissaa nutaamillu sanaartornissaq
- Nunaqarfinni minnerusuni pingasuusuni illumik sunulluunniit

atorneqarsinnaasunik/timersortarfinnik peqanngitsuni imersornermut atortorissaarutini
sanaartornissaq pitsanngorsaanissarluk, siullermik Sarfangguani

Aningaasaqarnikkut allaffissornikkullu kingunerisinnaasai

Missingersuutitut nalunaarummi atuiffik 75-51-imut Sisimiuni Kulturikkut illorsuarmut (Taseralik etape2) 11 mio koruuninik immikkoortitsisoqarpoq, 2017-imut 6 mio koruuninut kiisalu 2018-imut 5 mio koruuninut agguataarneqarlutik. Tamatuma saniatigut atuiffik 74-32-mut atuakkanik atorniartarfimmuk kommunip akiliuteqataaffigisassaanut 2018-imut 3,4 mio koruuninik immikkoortitsisoqarpoq. Nipilersornermut ilinniartuup imermik ajoqusersimanera kingulleq aqqinneqarsinnaanngippat, taava sillimasiisarfimmit 300.000 koruunit missaanik taarsiivigineqartoqassaaq. Kukkuluttortoqarsimanera patsisaalluni, atuakkanik atorniartarfimmuk nutaamut missingersuutitigut aningaasaliissutit 2017-imut Kulturikkut illorsuarmut atuiffimmuk nuunneqarsimapput, taamaalilluni 2017-imut Aningaasaqarnikkut systemimi 9,4 mio koruunit kiisalu 2018-imut 5 mio koruunit immikkoortinneqarsimalerlutik, katillugit Taseralik etape 2-mut 14,4 mio koruuniulerlutik. Namminersorlutik Oqartussat atuakkanik atorniartarfimmuk 50 procentimik aningaasaleeqataassappata, taava suliniummuk katillugit 17,8 mio koruunit immikkoortinneqassapput, 2016-imi aggustimi Aningaasaqarnermut ataatsimiititalimut 18 mio koruuninik aningaasaliissuteqarnissamut siunnersuutip annertoqatigipajaaginnassallugu. Pilersaarusiqqinnissamut 11,0 mio koruunit, 14,4 mio koruunit imaluunniit 17,8-18 mio koruunit aallaavigalugit pilersaarusiortoqassanersoq aalajangiisuussaaq

2017-imut missingersuutitut atuiffik 74-20-mut Maniitsumi ilaqutariinnut sullissivimmuk pilersaarusiornissamut 1 mio koruuninik, 2018-imi sanaartornissamut 5 mio koruuninik immikkoortitsisoqarpoq. Siusinnerusukkut iosumaqartoqarsimavoq 5 mio koruunit tassaasut kommunip sanaartugassamut 10 mio koruuninik naleqartumut akileeqataassutissarigai. Pilersaarusiqqinnissamut 6,0 mio koruunit imaluunniit 10 mio koruunit aallaavigalugit pilersaarusiortoqassanersoq aalajangiisuussaaq.

2017-imut missingersuutitut atuiffik 75-90-imut Sarfangguani illu sunulluunniit atorneqarsinnaasumut 1,5 mio koruuninik kiisalu 6 mio koruuninik 2017-imut 2018-imi immikkoortitsisoqarpoq (katillugit 7,5 mio kr). Illuatungaatigullu 2019-imut 2020-mullu Itilleq-mut illu sunulluunniit atorneqarsinnaasumut atuiffimmuk 7,5 mio koruuninik immikkoortitsisoqareerluni. Nunaqarfinni timersortarfiit tamatigoortunut kommuni Namminersorlutik Oqartussanut aningaasanik qinnuteqartareerpoq, atuiffik 75,52-imut 6 mio koruuninik immikkoortitsiffiusumik, tassa sanaartugassap 12 mio koruuninik naleqartumut kommunip 50 procentimik akileeqataassutissaata annertoqataanik. Pilersaarusiqqinnissamut 7,5 mio koruunit imaluunniit 12 mio koruunit aallaavigalugit pilersaarusiortoqassanersoq aalajangiisuussaaq. Allaffeqarfiup paasinnittaasia naapertorlugu, kommunalbestyrelsip timersortarfiit tamatigoortunit illu sunulluunniit atorneqarsinnaasut pinerullugit assigiimmik siunertaqartumik kissaateqartoq, tassa timersortarfiit tamatigoortunit illu sunulluunniit atorneqarsinnaasut minnerullutillu akikinnerummata.

Taseralik etape 2-mut 18 mio koruuninut, Ilaqutariinnut sullissivimmuk 10 mio koruuninut kiisalu Sarfangguani illu sunulluunniit atorneqarsinnaasunut 7,5 mio koruuninut pilersaarusiortoqassappat, taava tullinnguuttutigit nuussisoqarnissaq pisariaqassaaq:

Missingersuut 2017-2020

Atuiffik	Atuiffiup taaguutaa	Aningaa	Tapiissu tit	Nutaamik aningaasaliis sutit
74-32	Maniitsumi ilaqtariinnut sullissivik	6.000	4.000	10.000
75-51	Kulturikkut illorsuaq – Taseralik etape 2	14.400	3.600	18.000
75-52	Nunaqarfinni timersortarfiit tamatigoortut	9.000	-7.600	1.400
75-90	Nunaqarfinni illu sunulluunniit atorneqarsinnaasoq (Sarfannugit/Itilleq)	15.000	0	15.000
	Katillugit	44.400	0	44.400

Allaffeqarfiup oqaaseqaatai

Allaffeqarfimmit nalilernerqarpoq, sanaartornermut suliniutit annertussusaannut piaartumik aalajangiisoqassasoq pingaaruteqartoq. Sanaartornermut pilersaarutinut kiisalu kommunalbestyrelsip pilersaarutaanut nalornisoqalinnginnissaa anguniarlugu, atuisunut innuttaasunullu paasisutissiisoqarnissaa pingaaruteqarpoq.

Innersuussut

Teknikkimut, aatsitassanut avatangiisinullu kiisalu aningaasaqarnermut ataatsimiititaliamut akuereqqullugit innersuussutigineqarpoq,

eqitsimmut qulaaniittumut naapertuuttumik sanaartornissamut suliniutinut pilersaarusionerit piareersaanerillu ingerlanneqassasut

eqitsimmut qulaaniittumut naapertuuttumik nuutsisoqassasoq

Aalajangiineq

Missingersuut konto 74-32 aammalu 75-51 akuersissutigineqarput.

Missingersuummi konto 75-52 tapiissutit ilanngarneqassanngillat, missingersuutini konto 75-90, tassannaaniik 7.6 mill. Ilangaatigineqassapput.

Ilangussaq

1. 2017-imit sanaartornermut missingersuutit ukiunullu 2018-imit 2020-mut missiliuteqarfiit

Imm. 04 2017-mi illulianut katitigassanut agguaneq

Journalnr. 17.20

Tunuliaqutaq

"Nunaqarfinni isorliunerusunilu inissialiortiternermut pilersaarut"-inut 2017-imi Aningaasanut Inatsisitigut ataatsimut tapiissutitut aningaasat immikkoortinneqarsimasut, kommuninit allaffeqarfinnut tunniunneqarput. Qeqqata Kommunianut 2017-imi 5 mio. koruuniupput, ukiunullu missiliuuteqarfiusunut 5,2 mio. koruuniullutik. Inuinnarnut sanaartoqatigiittunut, kommunip illuliaannut katitigassanut aamma illunut sunulluunniit atorneqarsinnaasunut (illunut sullissivinnut) Kommunip aningaasat agguataassavai. Inissialiortitsinermut pilersaarummi aqutsinermut ilitersuummik Namminersorlutik Oqartussat suliaqarput.

Kommuni sanaartugassanut 2017-imut missingersuutimini, kommunip illussanik katitigassanik sanaartortitsinissaminut 3 mio. koruuninik immikkoortitsinikuvoq.

Maleruagassatigut tunngavissat

Inissialiortiternermut, illunut ataatsimoorussanut, illuliassanut katitigassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersoq.

Pissutsit atuuttut

Inissialiortiternermut pilersaarutitigut Qeqqata Kommunianut 5 mio. koruunit 2017-imut immikkoortinneqarsimasut siunertanut pingasunut atorneqarsinnaapput: Inuinnarnut sanaartoqatigiittunut, kommunip illuliaannut katitigassanut aamma illunut sunulluunniit atorneqarsinnaasunut. Inuinnarnut sanaartoqatigiittunut, kommunillu illussanik katitigassanik sanaartortitsinissaani illussat type Illorput 2100-iussapput (ilangussaq 3).

Inuinnarnut sanaartoqatigiittunut.

Inuinnaat sanaartoqatigiinniat, Namminersorlutik Oqartussat sinnerlugit manna tikillugu INI-mit sullinneqartarput, siunissamili kommunimit sullinneqartalertussaallutik. Tamanna nunaqarfinnut aamma Maniitsumut atuutissaq, Sisimiunulli atuutissanngilaq.

Sanaartoqatigiit aaqqiineq tamanna aqutugalugu, sanaartortitsinermut aningaasartuutit 5-ip aamma 95 %-ip akornanni ernialerneqanngitsumik akilersuutitaqanngitsumillu taarsigassarsinnaapput. Illoqutigiit isertitaat aallaavigalugit, sanaartoqataasullu suliaasaq qanoq annertutigisoq nammineq suliarisinaaneraa apeqqutaatillugit, taarsigassarsiasap annertussusaa nassaarineqartarpoq. Taamaattumik taarsigassarsiasaq 0,1-imit 2,5 mio. koruunit tungaannut missaanniissinnaasarpoq, kisianni taarsigassarsiasat nalinginnaasumik 0,7-ip aamma 1,5 mio. koruunit akornanniikkajuttarpoq. Sanaartoqataasunut taarsigassarsisitsisarnernut aningaasartuutit tamarmik, inissialiortiternermut pilersaarutitigut matussuserneqartarput.

Taarsigassarsitinneqarnissami piumasaqaatinik naammassinnittumik qinnuteqarnikuunngimmat, ukiuni kingullerni kommunimi sanaartoqatigiilluni sanaartortoqarnikuunngilaq.

Sanaartoqatigiilluni sanaartornissamut taarsigassarsinissamut qinnuteqafissaq apriliip aallaqqaataani killeqartinneqassasoq, Teknikkimut Avatangiisinullu Ataatsimiititaliamit 2017-imi februaarip 7-iani atatsimiinnerani aalajangiunneqarpoq. Qinnuteqaatit sisamat tiguneqarput, tamarmik Atammik-miit. Taarsigassarsitinneqarnissamut qinnuteqartut marluusut piumasaqaatinut naammassinnissimangillat, ataaseq illoqutigiinni isertitat qaffasippallaarneri patsisaallutik, aappaatalu ukiuni tallimani inuussutisarsiuuteqarsimanissamut piumasaqaat naammassinneqarsimannginnera patsisaalluni. Qinnute-qartut marluusut taarsigassarsitinneqarsinnaanermut piumasaqaatinut naammassinnissimasutut nalilerneqarput.

Kommunimi illussat katitigassat.

Aaqqiineq tamanna malillugu kommuni nunaqarfinni Maniitsumilu, Sisimiuniunngitsorli illussanik katitigassanik sanaartortitsisinnaavoq. Ukiut kingulliit ingerlanerini kommunimi nunaqarfinni tamani illussanik katitigassanik sanaartortitsisoqarnikuuvoq, Kangerlussuarimi aqqanillit, Kangaamiuni sisamat, Atammimmi marluk, nunaqarfiillu sinnerini tamani ataaseq.

Aaqqiineq malillugu illussat katitigassat tunniunneqarnerini kiisalu mandetiiminut tapiissutissat, illussamut katitigassamut ataatsimut 150.000 koruuniusut, sanaartugassamut ataatsimut katillugit 1,25 mio. koruunit missaat Inissialiortiternermut pilersaarutitigut akilerneqartarput. Inissialiortiternermut pilersaarummi aningaasat tamakkerlugit kommunip illuliaanut katitigassanut atorneqarpata, 2017-mi illussat katitigassat sisamat sananeqarsinnaapput.

Sanaartortitsinerimi aningaasartuutit sinneri kommunimit akilerneqassapput, illussamut katitigassamut ataatsimut katillugit 1,5 mio. koruunit missaat.

Illut sunulluunniit atorneqarsinnaasut.

Kiisalu inissialiortiternermut pilersaarutitigut aningaasat immikkoortitat illunut sunulluunniit atorneqarsinnaasunik (illunik sullissivinnik) sanaartortitsinissamut atorneqarsinnaapput.

Allaaserineqarnera ilanngussatut ilanngunneqarpoq (ilanngussaq 4).

Kangerlussuaq minillugu kommunip nunaqarfii tamarmik illunik sullissiveqarput, taamaattumik aaqqiineq tamanna kommunip siornatigut atornikuunngilaa. Ukiuni arlaqartuni Kangerlussuarimi katersortarfittaarnissaq missingersuutinut kissaataanikuuvoq, kissaatillu piviusunngortinneqarnissanut, inissialiortiternermut pilersaarutitigut illumik sunulluunniit atorneqarsinnaasunik sanaartortitsisoqarnissaa periarfissaavoq.

Atuilluartuunissakkut kingunerisinnaasai

Aningaasaqarnikkut allaffissornikkullu kingunerisinnaasai

Inuinnarnut sanaartoqatigiittunut.

Sanaartoqatigiinneq pillugu aaqqiineq malillugu nammineq illuliat kommunimut aningaasartuutaaneq ajorput, sanaartoqatigiilli siunnersorneqarnerinut nakkutigineqarnerinullu allaffissornikkut suliassaaloqarsinnaassalluni.

Kommunimi illussat katitigassat.

Kommunip illussanik katitigassanik sanaartortitsinera, illussamut ataatsimut kommunip aningaasartuutissai 1,4 – 1,7 mio. koruunit missaanniissapput, nalinginnaasumilli nunaqarfeeqqani akisunerusarluni. Nunaqarfeeqqani illut ilinniartitsisunut inissiatut atorneqanngikkaangata, attartornermi akigitap qaffasinnera pillugu nunaqarfeeqqani illut attartortinniartarnerat ajornakusoortartoq paasinarsinikuuvoq.

Illut sunulluunniit atorneqarsinnaasut.

Illunut sunulluunniit atorneqarsinnaasunut aningaasartuutissat tamakkerlugit, inissialiortiternermut pilersaarutitigut matussuserneqarsinnaapput, taamaalillunilu illumik sunulluunniit atorneqarsinnaasumik sanaartortitsinissaq kommunimut aningaasartuutaaffiissanani. Sumiiffinni allani illunik sunulluunniit atorneqarsinnaasunik sanaartortitsinerimi aningaasartuutigineqarsimasut 6,2 mio. koruuniusimapput. Kangerlussuarimi sanaartortitsisoqassappat uffarfiliortoqarnissaa, immaqalu errorsisarfiliortoqarnissaa pisariaqassanngimmat, qularnanngitsumik akikinnerusumik sanaartortitsisoqarsinnaassaaq.

Qullersaqarfiup oqaaseqaatai

Soqanngilaq.

Allaffeqarfiup naliliinera

Illussanik katiteriaannarnik qinnuteqartut marluusut piumasaqaatinut naammassinnittut nalilerneqartut tassapput ilaqutariit Kristiansen, taarsigassarsiarineqartut 1.325.000,- koruunit missaaniissallutik, aammalu ilaqutariit Poulsen/Jakobsen, taakkununga taarsigassarsiarineqartut 815.000,- koruuninit missaaniissallutik. Taarsigassarsiarineqartut annertussusissaat eqqortut sannartukkat naammassinerani aatsaat aalajangerneqarsinnaapput.

Ilaqutariinnut marluusunut taarsigassarsititsisoqassappat, Nunaqarfinnut inissialiortitsinerneqartut pilersaarummit aningaasat sinneruttunit, kommuni illulianik katitigassanik marlunnik 2017-imi sanaartortitsinnaavoq. Kommunimi illunik katitigassanik marlunnik sanaartorneq kommunimut 3 mio. koruuninik akeqassaaq, tassa 2017-imut Sanaartugassanut missingersuutini immikkoortinneqartunut naapertuutissalluni. Nunaqarfinni inissianik attartortittakkanik pisariaqartitsineq eqqarsaatigalugu, Kangerlussuaq-mi pisariaqartitsineq annertuneruvoq.

Innersuussut

Teknikkimut Avatangiisinut aamma Aatsitassanut ataatsimiititaliamut innersuussutigineqarpoq, sanaartoqatigiit Ilaqutariit Kristiansen aamma ilaqutariit Poulsen/Jakobsen-kut taarsigassarsitinneqassasut, kiisalu kommunip illuliaanik katitigassanik Kangerlussuarmi sannasoqassasoq.

Aalajangiineq

Ilaqutariit Kristiansen aamma ilaqutariit Poulsen/Jakobsen-kut akuerineqarput. Ataatsimiititaliami ilaasortat sisamat aaliangerpaat Kangerlussuarmiit illu katitigassaq Kangaamiunut nuunneqassasoq. Emilie Olsen aaliangiinnermi akerliuvoq.

Ilanngussaq

1. Sanaartoqataannermi taarsigassarsitinneqarnissamut qinnuteqartut
2. Nunaqarfinni isorliunerusunilu inissialiortiternermut pilersaarummut ilitsersuut.
3. Illorput 2100-ip allaaserineqarnera
4. Illut sunulluunniit atornerqarsinnaasut allaaserineqarnera

Imm.05 Tamalaat.

Frederik Olsen apeqquteqaatigivaa Sisimiuni B-252 Aqqusinersuaq 3 illuaraq aappalaartoq aserfallassimaqisoq qanoq piiartinnissaanut periarfissaqarnersoq.

Allaffeqarfimmiik misissugassangorlugu suliarineqassaaq ataatsimiinnissap tullissaanut saqqummiunneqarluni.

Ataatsimiinneq naavoq nal. 09.50